

Inatsisartut suleriaasianni § 37, imm. 1 naapertorlugu Naalakkersuisunut apeqquut imaattoq matumuuna saqqummiuppara:

Naalakkersuisunut apeqquutit:

1. Naalakkersuisup § 37 naapertorlugu apeqquummut nr. 035/2026-imut akisummini Naalakkatta Illuata Ilulissaniittup iluarsartuunneqarnera 2026-mi juuni–juulimi naammassineqassasoq naatsorsuutigineqartoq ilisimatitsissutigaa. Iluarsartuussinerup piffissami tassani naammassineqarsimannginneranut suna pissutaava?
2. Piffissaliussap Naalakkersuisut siusinnerusukkut Inatsisartunut ilisimatitsissutigisaata malinneqarsinnaasimannginneranut pissutsit suut peqqutaappat?
3. Iluarsartuussinerup 2026-mi juulip naanerani naammassineqarsinnaannginnissaa Naalakkersuisup qaqugukkut ilisimasaqarfigilerpaa?
4. Naalakkatta Illua atoqqinneqarsinnaalersinnagu suliasat suut suli naammassineqarnissaat amigaataappat?
5. Naalakkersuisut maanna iluarsartuussinerup qaqugu naammassineqarnissaa aammalu oqaluffiup qaqugu ammaqqinneqarnissaa naatsorsuutigaat?
6. Piffissaliussap nutaap malinneqarsinnaanissaa Naalakkersuisut qanoq nalilerpaat, aammalu pissutsit suut suli kinguaattoornernik pilersitsisinnaappat?
7. Naalakkersuisut 2026-mi juulip naannginnerani piffissaliussap siusinnerusukkut ilisimatitsissutigineqartup malinneqarsinnaannginnissaa ilisimareersimagunikku, sooq Ilulissani innuttaasut Inatsisartullu kinguaattoorneq aammalu piffissaliussaq nutaaq pillugit ilisimatinneqanngillat?

(Inatsisartunut ilaasortaq Jens NapâtôK', Naleraq)

Tunngavilersuut:

Naalakkersuisup § 37 naapertorlugu apeqquummut nr. 035/2026-imut 6. marts 2026-mi akisummini ilisimatitsissutigaa, suliasat pilersaarutit malillugit ingerlassappata, Ilulissani Naalakkatta Illuata iluarsartuunneqarnera 2026-mi juuni–juulimi naammassineqarnissaa naatsorsuutigineqartoq, tamatumalu kingorna oqaluffik ammaqqinneqarsinnaassasoq.



Maanna juuli qaangiutereerpoq, oqaluffillu sulii ammaqpinneqanngilaq. Naalakkatta Illua illumi oqummik nassaarfiusimanera pissutigalugu 2024-mi ukiakkut matuneqarpoq, taamaalillunilu Ilulissani innuttaasut sivisuumik oqaluffik atorsinnaasimanngilaat.

Naalakkersuisut suliiassap naammassineqarnissaanut piffissaliussamik aalajangersimasumik Inatsisartunut ilisimatitsissuteqaraangata, piffissaliussarlu taanna malinneqarsinnaajunnaaraangat, sooq malinneqarsinnaajunnaarsimanersoq aammalu Naalakkersuisut kinguaattoornermik qaqugukkut ilisimasaqalersimanersut nassuiaateqarfiginissaa naatsorsuutigineqartariaqarpoq.

Taamaattumik suliiassat suut kinguaattoornermut pissutaanersut, suliiassat suut sulii naammassineqarsimannginnersut aammalu Ilulissani innuttaasut Naalakkatta Illuata qaqugu atoqqinneqarsinaanissaa piviusumik naatsorsuutigisinnaaneraat paasissallugu pingaaruteqarpoq.

Apeqquutigineqartut ullut suliffiusut qulit (10) iluanni allakkatigut akineqareersimanissaat piumasarineqarpoq. Oqaatsinik nutserisimanerme paatsuungasoqassatillugu kalaallisut allassimasooq aallaavigineqassaaq.